


北京圖書館藏書

清末時事新集選

第十六冊



(清末)時事采新彙選

第十六冊

北京圖書館出版社

時事采新彙選

光緒丙午年三月

光緒三十二年三月十六日

兵部太僕寺庸白旗值日無引 見 壯王順王

等由 東西陵回京請 安 亨公請假五日

召見軍機

本日已刻

皇太后 皇上升 勤政殿義國使臣巴樂禮帶領海

軍統領諾威利思

覲見

旨應生麟佑著以侍衛用徐乃瑩著外用張炳助著外用

陝西道監察御史員缺著常徽補授山西道監察御史

員缺著顧瑗補授江南道監察御史員缺著高樹補授

諭旨恭錄 光緒三十二年三月十六日

分發河南試用道丁學恭浙江試用道湯汝和四川試

用道丁煜年四川補用知府丁體晉直隸試用知府范

守佑田載厚安徽試用知府周家煜沈定浙江試用知

府汪準山西補用同知陳昌陝西補用同知劉恩陶四

川補用同知楊潤浙江試用同知薛宜珽江西試用同

知戴鴻達江蘇補用直隸州知州左樹珍直隸補用知

州劉傳祁湖南試用知州李宗檀甘肅試用通判劉昌

浚江西試用通判沈良孫直隸補用知縣馬慶麟江蘇

補用知縣陳起鄭文源山東補用知縣邊度春山西補

用知縣惠蔭喬沈漱生河南補用知縣張三銓甘肅補

用知縣楊鼎新浙江補用知縣秀昌直隸試用知縣李

恩福江蘇試用知縣鄭洪年黃孝劬甘肅試用知縣潘

景藻浙江試用知縣沈梓華建基湖北試用知縣劉熙

屋吳以業四川試用知縣董濤李紹紳全福長蘆試用

運庫大使陸壽形俱著照例發往保舉廣西補用道何

耀章著照例用擬補內閣中書包源浙江玉泉場鹽大

使周啟泰俱著准其補授期滿察哈爾游牧主事德潤

著授為游牧員外郎裁缺盛京兵部郎中保送知府琦

良刑部員外郎保送知府英權俱著以知府分發省分

補用保送撫民同知光祿寺署正仲鈞著交部記名以

撫民同知用京察戶部郎中錫廉著准其一等加一級

交軍機處記名以道府用奏留吏部學習單帖式繼良

諭旨恭錄 光緒三十二年三月十六日

着准其留部欽此

又軍機處交出軍機大臣面奉

諭旨本日吏部帶領引見之附生張瑞璋左國楨着以主

事用欽此

通飭實行禁革門丁

錄北洋官報

浙撫張中丞蒞任時卽不用門丁以爲各屬之倡近復札行司道通飭所屬實行禁革札文錄下 爲通飭事照得爲治之道必先其害治者庶幾治理可期害治之道多端而以門丁爲最甚門丁內窺意旨外肆憑陵假官之權恣其所欲道府以上門丁猶祇潛通消息需索規費遇案始能焚財若州縣門丁則擅用門條拘押良懦串通書役構陷平民實民間之豺狼本官之鴆毒是以信任門丁吏治民生未有不受害本官考成未有不爲其所累者事敗之後而若輩轉得逍遙法外本部院深知其弊故自作守以來從未任用門丁公事未嘗稍有窒礙上年准政務處時學奉新彙纂卷四卷

四年三月十一日刊

覆議兩廣督部堂岑奏准禁革門丁改用收發委員一摺奉 旨著通飭查照辦理浙省視爲具文多未遵辦茲特與各屬條明申禁誠均應革除衙丁所有詞訟錢糧等事勿命若輩干預其監獄羈押應責之管獄及首領官收發文件各事應遵照通行自擇素所深信佐雜人員指名稟請如竟無人可延小席幕友均應優給薪水無論官幕皆須明白事理勿徇薦人之情任用非人倘有從前婪索情弊本部院仍惟本官是問自此大禁革之後猶敢私自任用無論有弊無弊則是故違功令亦不遵本部院告誡惟有白簡從事決不貸寬至於司道大員方與本部院共圖治理諒能深體此意整躬率屬一切革除當無俟本部

院之告誡也除行各司道轉行外合卽札飭札到限十日內稟覆毋視爲具文此札

添練水師軍整海軍議

錄北方日報

濱海爲國者身臨夫極深不測之淵足涉夫駭浪警濤之險以船政爲根本以水師爲命源讀海防新論見南北花旗戰事知泰西各國倚重於水師船政者詳矣我中國之於海軍亦嘗經營締造無如儒將庸臣一悞再悞浸成不可收拾之勢遂如廣陵散之響寂音消沉淪淹沒以至於今可慨也夫溯查疇昔左文襄沈文肅兩公創議福建船政寔爲防海第一要着迨後數年李文忠又復大張旗鼓重振海軍於北洋海面光緒十二年春命醇親王爲大總

時事采新彙纂卷四卷

四年三月十六日刊

理文忠會辦海軍厚齋將軍幫辦張朗齋中丞宋祝三軍門亦預焉老成宿將一時畢集巡閱北洋各口調集南北洋鐵甲兵輪普練開操軍威大振洵極一時之盛並奏准定章每屆四年巡閱一次宏規鉅製炫耀富時計自戊辰至甲申閩江之製造多矣馬江一役船燬幾半又自丙戌至甲午渤海之規模遠矣平壤一役舟覆無存三二十年之擘畫慘淡不轉瞬而火滅煙消於前後兩戰憂時懺世者目擊國帑之虛糜海軍之無用凡有血氣之倫能無歎息痛恨於不置也然以環海七省海路一萬數千里迂紆周折洋面愈闊控制愈難舉地球各國同奔馳汪洋浩瀚洪波巨浸中莫不各治兵輪共爭雄長兵法有云勿恃彼之

不來應待我之有待否則人可暢行我難飛渡人戰甚便我渡無方若待臨渴而始掘井悔已晚矣而已無救於臨時矣況西貢新加坡隱附我閩粵之背混同鴨綠江近扼我遼陽之沈雖強鄰之四逼幸一輩之可抗苟不浮揚僕之橫船治慶元之海艇一有海警轉輸不繼則餉械有阻截之虞保衛不行則軍火有難通之慮罅隙百出荆棘萬端況查平吳之役舟師艦隊經彭楊二公議行久矣至今動輒猶存後人稱道不置戡亂策勳歸美湘楚曾幾何時彭楊創之於前丁張覆之於後豈製造駕駛之互異而討逆戰夷之各殊乎蓋一在內江一在外海一係內寇一係外侮一勦內寇一禦外侮是敵情形勢均有不同調度作時事采新彙選 第四卷 三 丙午三月十六日刊

用亦多各異耳如同一神策軍也李晟用之則強田今收用之則弱同一御前軍也虞允文用之則捷王權用之則摧亦時之有幸有不幸也是不特辱國喪師直使數十年之經營締造曾不旋踵盡棄前功不亦重可惜哉天下事不患無治法特患無治人無治人雖有良法美意將安用之有治人則懿謀嘉猷自可從新整頓第總以得人為急務耳惟軍事尤甚況處乎今之勢居乎今之時全局預籌通盤綜計仍非添練水師重振海軍不可但振海軍練水師其中有數難焉當文忠創立海軍時初已籌有的款每歲數百萬之譜丹覆軍散計逾十年從前的款不知改撥何項早蕩然無存矣今議重振必須另籌的款適值庫

藏空虛籌措不易此一難也

又海軍較陸軍之難奚啻什伯陸軍腳踏實地進可戰而退可守雖兩軍對壘主將先赴而赴赴之夫桓桓之士或緩轡以嚴軍或倒戈以却敵縱令勢窮力竭仍可疾趨尋途是雖覆沒全軍尚可苟全性命至於海軍則咫尺一舟浮於萬頃洪濤舍舟之外別無餘地非蛟龍之窟即波臣之宮雖勇如賁育亦無所施力即平日偃旗息鼓之時尚覺浪湧濤加坐立不定心膽俱悸惟恐失足懼驟深淵況兩軍相接鉅砲頻施心驚目眩之餘益之以鎗林礮雨子彈橫飛有不驚懼畏葸者乎即統兵大員闔船主帥閱歷已深好整以暇心精力果忘定神堅氣象鎮靜壯士卒之

時事采新彙選 第四卷 四 丙午三月十六日刊
膽略抑或忠氣奮發號令森嚴背水結營示無反顧然既進無可憑退無可據羈此身於舟中置性命於度外此二難也有此二難成軍豈易哉成軍不易擇將尤難擇陸軍之將不易擇海軍之將更難昔之將才鬪智鬪力鬪陣法今之將才鬪炮鬪船鬪驅駛一管駕而合舟之生死繫焉一巨炮而全軍之安危賴焉一俄傾而兩國之勝負決焉陸戰宜講地營長堤之利海戰宜知據風乘潮之利此中國亘古未有之戰局也今一旦起而新之可不知所效法從事哉然此猶未務耳為將之道智仁信勇嚴五者盡之知己知彼二者盡之其餘神明運用存乎一心是不必泥古法亦無須盡拘西法但師西人之長以制西人之短

至西法固可參用似亦不可專用也運力泐水登舟執桴破浪乘風皆水師之宜講習者熟海道識沙線驗風潮皆海軍之宜精練者駕駛兵輪尤宜親自指點開放鎗炮尤宜親自手揮至於從容坐鎮奮勇爭先氣蓋龍雲志吞牛斗則又無論文武水陸凡為將者皆宜兼優素裕者也復查從前向有西員宣力中國者豈目今並無宿將効力行間者楚材晉用異地同情慮遠謀深忠肝義膽昇以重任如願而償或不致蹈中國驕奢淫佚放蕩之惡習兼可免剝削剋扣怠惰畏葸之通病更可杜門戶之見畛域之分惟斷不許如台灣乞援北洋兩艦逡巡遠返燕齊告驚南洋各艦觀望不前唇亡齒寒之謂何而昧者天幸土之大時事采新彙選第四卷

五 四年三月十六日刊

義矣現在既議重設海軍先須痛除積習力挽頹風應於南北兩洋共設提督一人總統全師督歸節制每年周歷統巡全軍一次無事各歸本隊認真操防有警共守要隘迅速赴援一般如此百般皆然倘有推諉後至者悉按軍法從事總令全軍海面所有兵輪如身運臂如臂使指指揮如意操縱在心常山之砲首尾相應此則重整海軍之第一要務也凡有能事員弁士卒以及駕掌水手人等有不交相惕勵互為勸勉敬謹遵守者乎

論西報述台州天主教會虐待華農事

錄外日報

近者外人好言華人有排外思想不可不亟為防備始猶託諸空言繼且見諸實事一若全中國之人將與外人決

裂也者又若中國人之心無不疾視外人者也不幸而江西教案一出遂據以為排外之見端夫風靜則波平山鳴則谷應通商各埠以及內地城鎮中外雜居已久苟其意見融洽耦居無猜亦奚至有意外之事若其一夫發難萬眾響應其在華人誠不免於輕舉妄動然使外人懷母為戎首之戒勿為激動公忿之舉則亦奚至有視若深仇焚殺相尋之事是則排外之說固為中國今者所不能受而外人之處於吾國者轉當自省其所為之何若而察其肇禍之所由也

謂予不信則請觀於西報所述台州天主教人虐待華農之事按此事西報言之鑿鑿是不得指為謠言也且見諸時事采新彙選第四卷

六 四年三月十六日刊

西文報紙是不得指為華人之謗教也按此事由天主教民與一農夫爭議買賣而起後以所求不遂乃將其人拖入教會中不審教會果有拘人之權否及縣令向之索取該教會即將門戶關閉不審教會果有監禁人之權否夫教會之設主於勸人為善教民亦中國之子民尤當服膺教規遵守王法安有恃教會為護符魚肉其鄉鄰之理亦幸而當時村民雖有憤怒之意暴動之勢卒鬱而未發台州府雖有率兵搜查之說而縣令未之行不致倉卒肇事耳否則南昌之禍安知不再見於台州而彼教會中人安知不為王神甫之續也

執筆者言至此甚願閱者平心靜氣勿遽因教會之不善

而引動其忿恨心也須知吾人丁此時艱處此社會之中苟使犯而不校忍而與之終古則日積月累終有不能忍之時然使激於一時之意氣起而與之責難不幸而又有匪人乘之以肆其焚殺則不韙之名將在我而不在彼而外人既有所藉口國家終受其大累此固萬不可者也然亦甚願爲外人忠告須知外人若以和平待我而我遽與之爲難則排外之名誠無可辭若使以不合情理之事加諸華人則恩怨之思固人所同具殺機既啟豈能復有限制而其咎固有所歸矣自有教案以來無不由華人受其咎然試推求其因果則其咎豈獨在華人夫教會以勸人行善爲標幟各國尤以保全治安相督責而考其行事乃時事采新彙選第四卷

有如台州天主教會之所爲使其邂逅釀禍便可指爲排外之證且適承南昌教案之後更可指爲通國皆排外之證苟其別有用意固可不論不然則何取而若此是故今日有三問題其一則排外之說究由何而起必如何而使其自行消滅不致釀成重大之交涉其二則教民與非教民當如何而使之永遠相安勿令以一社會之齟齬牽涉國家之大局三則中外交涉大事吾人應如何對待俾國家實受其益而不致有損此三端者異日當別白言之茲不具論特以外人近正指目中國以爲必有排外之禍而外人所爲有足使人爲之不平者故略論之如此亦願外人自省之也

七 丙午三月十六日刊

記台州天主教人虐待華農事 錄中外日報

二月念一日本館浙江台州府訪事來函云有數百人前往知府衙署請知府助力將在天主教拘禁之友人一名加以釋放因此全城之人甚爲震動彼等謂此人係一農夫居於城西四英里彼與天主教民爭議買賣之事因彼不受恫喝終被拖入天主教會該處村民大爲憤怒謂若縣令不以和平之法將此人釋放則村民必往攻天主教之房屋

知府特飭縣令請法神父速將該農民交出以便在中國公堂審判聞當時天主教會之門全行關閉縣令不得其門而入人民乃甚爲憤怒且有暴動之勢但後則大門遂時事采新彙選第四卷

八 丙午三月十六日刊

開教會之人即告縣令云屋內並無此人所言之農夫已經送往海門法神父處縣令則謂該農夫必在屋內然天主教人仍堅不肯認縣令乃即遣人往告知府謂若不得該農人則不肯離開後則知府答復云倘天主教人不允立將該人交出則必以兵搜查因此天主教人始將此農夫交與縣令彼遂帶其人回至府署中聞該農人已受天主教人之虐待此事致令官紳商民咸深憤怒此間之人亦恐天主教人之行事足有損於西人之生命也譯二月二十六日文匯西報

光緒三十二年三月十七日

刑部都察院大理寺廂紅旗值日無引 見新

授倉場侍郎吳重憲到京請 安 出使大臣張

德彝到京請 安 定成良揆由 東西陵回

京請 安 玉璋因伊孫以侍衛用謝 恩

道府丁學恭等謝 恩 直隸試用知府田載厚

謝 恩 安徽試用知府沈定謝 恩 恩潤

來秀預備 召見 恩潤 來秀

召見軍機 吳重憲 恩潤 來秀

硃筆圈出秀林稽察宗人府銀庫事務欽此

提督衙門奏左翼翼尉烏珍等帶領官兵在京東長

營等處拿獲鎔化大錢改鑄私錢並用機器私作銀

諭旨恭錄 光緒三十二年三月十七日

圓銅圓人犯胡立祥即胡四秦得斌白世奎吉陞阿

郎大吉子姚二郎二有子姚鳳林姚大郎大有子陳

益三張陞玉景白氏等十名口又據北營參將王漢

池遊擊王雲龍督飭守備王德祿候補守備胡榮張

景和把總高鍾山外委王聯輝候補把總崔權郭濬

張德寬候補外委邢永帶兵會同昌平州知州史廷

華署延慶州知州樊海瀾寶坻縣知縣廖毓英及紳

董等購覓眼線在沙河鎮北王家莊地方拿獲結夥

執持洋槍搶劫盜犯馮三郎馮有詳一名又據右營

參將趙春霖等拿獲在甄家墳地方結夥持械毆傷

事主搶劫行人盜犯小郭郎郭庫兒等三名均請

旨交刑部

預防教案辦法 錄天順時稿

聞頃有某給諫遞一封奏略云近來教案迭起主權日失者係因預防教案未有一定辦法請速飭外部悉心講求訂定章程以預防開教等語故近來外部堂司悉心集議籌商預防開教辦法據瞿子玖尙書意見擬以曾文正公所擬之辦法四條與教士李提摩太君擬稿十二條為根本酌訂預防教案章程各堂司均為贊成擬即於日內入奏 按自國朝弛海禁以來民教之爭時常不絕寔為我國之鉅患故適年我國官紳以及教士均研究開教之原因以謀善後之策者不乏其人迄今尙無妥善之預防辦法用深抱恨如當道諸公速講調和民教永息爭端以除時事采新彙選第四卷 一 丙午三月十七日刊

國家鉅患中國幸甚大局幸甚執筆人茲特採錄中外名賢對付教案主見以資關心時務諸公之參攷焉

庚子年愚民串結拳匪提倡排外仇教之說誣賴教民擾害教堂晉省教堂尤受其擾主教李提摩太君於次年訂擬辦山西耶穌教案章程交總理衙門請為代奏此項章程約有十二條茲錄其要領略云

一 中國百姓對於西教素無仇視之意古來稱民教相安然有愚民滋亂教案迭起者因有二三不逞之徒或有頑冥之地方官誣賴教民詆謗教會以煽惑愚民蓋

每有教案出必有不逞之徒為其主動力其餘亂民多係附和故將來地方官辦理教案時先嚴緝巨魁從重

保附和故將來地方官辦理教案時先嚴緝巨魁從重

保附和故將來地方官辦理教案時先嚴緝巨魁從重

治罪以示嚴懲其餘均從輕懲辦以示體恤然則百姓仇視教士之意從此而減必致民教相安矣

二中國每有教案所有一切賠款由其州縣籌辦故該地良民因起教案徒受其弊遂致仇視教會故教士及教堂可將所得賠款用為地方公益之事業振興教育開通風氣以謀永息教案之策例如該教士等用賠款辦辦大學堂是也

三凡滋生教案之州縣可建立碑石將其地教案根由始末詳細註明俾使一體知悉則其地居民懲前毖後無再釀教案矣

四凡地方官為民之父母故宜教民與其餘人民不分

時事采新彙選第四卷

二

丙午三月十七日刊

軒輊一視同仁有功必賞有罪必罰以杜民教相爭之端而教士亦宜與地方官協治毋庸左袒教士矣

以上所記者係李教士擬稿之要領所言公平可以施行蓋瞿協揆將資參者亦此條陳也

先是光緒二十一年四川有愚民毀拆教堂慘殺教士之案未見了結又有福建古田之大教案教士十一名被害五名被傷當時有英美耶穌教士劉海蘭林樂知李佳白李提摩太慕維廉等著名教士二十名請總理衙門代遞封奏條陳永息教案之策請嚴禁誹教之書如有故違者按照造言生事之律辦理以為杜絕亂萌永息教案之策並力言京省大員以及各省紳士均與教士往來常見以

釋疑惑而資和睦云

又有天主教主教格雷孚斯君於光緒二十六年擬預防教案章程據其要領略云

一凡教堂係教士與教民講求教理研究道德之處並非莠民避難之地故不但教士不能以私情袒莠民亦且不准教民與良民或地方官妄起爭端

一凡州縣遇有民教相爭之案可准教士陪獻如有地方官審判不符條約宜由教士稟請本國領事的辦則一切教案得見和平了結矣

同治九年天津猝起教案戕斃二十命釀一大交涉震動中外士人總理衙門與各國欽使屢次磋商始見定奪

時事采新彙選第四卷

三

丙午三月十七日刊

當時自曾文正公以及其餘大員爭遞封奏條陳善後辦法蓋曾文正公預防教案辦法者亦係因此同治十年總理衙門按照此等條陳照會各國公使詳流預防教案辦法冀杜亂萌茲抄錄其要領如左

一凡教堂開設育嬰堂收留嬰兒固為憐孤恤貧起見無奈中國風氣未開不逞之徒藉端造謠煽惑愚民以致釀成教案故教堂宜裁撤育嬰堂以釋懸疑而杜亂萌

二凡中國之俗男女三歲而不同席然教堂聚集男女於一堂而傳教不特有妨於中國風化且易招世人誤會宜從中國之例立男女之別以免誤會

三 凡教士宜恪守其畛域不可越俎干預華官權限
四 凡民教之案官聽于華官審辦不可仇視華官以滋

轆轤

五 凡教士赴內地遊歷須領有護照劃定傳教限地如
願赴他處傳教宜再稟地方官另領護照夫教士傳教
限地如不一定則地方官頗難保護尤易生事端也
六 凡中國人民有願入教者須先將籍貫姓名履歷等

項詳細註明呈於教士以便教士酌定

七 凡教士與地方官往來交接宜重禮節以聯情誼

又有兩教教士欲公舉民教各代表者開設會審民教公
堂以訓停教案其意頗美且為妥善之辦法也茲據其要

時事采新彙選

第四卷

四

丙午三月十七日刊

領云中國政府宜與教堂商榷在北京開設總教務司在
各省開設教務分司以辦理民教之案即各省教務分司
辦理該省教案而總教務司管轄通國教案凡關係重大
之案宜移交總教務司審辦而各教務司董事宜由地方
紳士與教士公舉公正能幹之士每有教案會同審辦以
昭公允但至於關係甚輕之案聽於地方官審辦不准教
士干預以免轆轤

又教務司官制章程及辦理章程等項關係重大事關主
權故宜由中國政府與公正之教士等磋商酌定以期妥
善云云

光緒二十七年周玉帥在直轄任內時有樊總主教致函

論述預防教案辦法大提倡此說蓋以為甚協機宜可以
實行也

夫我國患教案者已經數十年迄今教案迭出邦交日損
利權日失潰亂四出將致不可收拾皆因向來當軸諸公
不懲前毖後以籌定預防教案辦法故也然聞外部諸公
遇近來教案迭起謠言紛傳之時深有見於此悉心考察
擬請預防教案之策執筆人傳聞之下不勝欣慰嗚呼諸
公如訂一妥善章程認真照辦以杜絕亂萌而永息教案
不僅中國各省之民幸甚即世界各國亦莫不幸甚

營口商號仁裕號裕盛長晉太豐裕盛源世昌德等因去

營口商號仁裕號裕盛長晉太豐裕盛源世昌德等因去

時事采新彙選

第四卷

五

丙午三月十七日刊

年春夏間有豆餅豆油大豆運往上海等埠換得小銀洋
折算銀兩並有在上海錢莊存款至五月杪因營申匯票
吃虧又值六月一卯期將屆銀根奇緊故在上海備辦小
洋銀合大洋銀計三十萬零二千二百元裝英國輪船西
平北平先後運來營口預為卯期應用二輪在瀉放行均
經英領事簽字銀洋亦報明稅關詎駛至威海洋面遇日
本軍艦香港丸將該二船捕去帶往佐世保將銀洋卸地
空船釋放該商號等即趕至佐世保捕獲審檢所稟訴當
經日本駐營口領事瀨川淺之進發給證明願書及日本
鉅商三井物產會社作證該捕獲審檢所以牛莊為俄軍
駐紮之地以貨幣在海軍省令第二條戰時禁品包含之

內又以俄人當敗之餘彼此貨幣已失信用不能通行勢必假中國之貨幣以濟其所需疑商號等爲俄軍作俵故指爲戰時禁制品不允交還該商號等又往東京高等捕獲審檢所稟訴又經神戶大阪關中中華商董台詞代稟駐日楊公使至今十餘月東京高等捕獲審檢所尚未批發聞該商號等稟訴中詳論貨幣一事自有戰史以來未有作爲戰時禁制品者更歷證歐美國際法大家之學說亦未有以貨幣爲戰時禁制品之定論並言此次日俄戰爭之中一舉一動在在爲世界國際法家所注目將爲他年國際史上之先例幸毋以區區貨幣一案而遺惡例於青史徒損戰勝國之光榮則幸甚云云聞東京高等時事采新彙選第四卷

六 丙午三月十七日

捕獲審檢所頗以控稟所論貨幣一事爲剴切詳盡然費調查惟事已二年仍無眉目該商號等不得已合詞稟懇奉天將軍趙次帥照會駐日本公使及外務部向日本政府追索發還以全商本計各商號所失如左

- 仁裕號 裝西平船 小銀洋五箱計二萬元
- 裕盛長 裝北平船 小銀洋十箱計四萬元
- 裕盛長 裝西平船 小銀洋十七箱計七萬零二百元
- 裕盛長 裝北平船 小銀洋五箱計二萬二千元
- 晉太豐 裝北平船 小銀洋十箱計四萬元
- 裕盛源 裝西平船 小銀洋二十箱計八萬元
- 世昌德 裝北平船 小銀洋六箱計三萬元

共合三十萬零二千二百元
趙次帥批 稟悉查國際公法貨幣一項本不在戰時禁制之例卽日本海軍省第三條詞意亦甚明晰況有該國領事證明願書確認其非供給敵國軍用自應由主國詰問索還以盡保商之責仰候咨明外務部查照辦理可也茲將趙次帥咨外部公文錄左

爲咨呈事案據營口商號仁裕號裕盛長裕盛源晉太豐世昌德等商稟稱巨資被誣合詞伸訴云云共合三十萬零二千二百元又據附稟稱日俄開戰云云實爲德便各等情據此除批示稟悉云云辦理可也印發并分行外相應咨呈爲此合咨大部謹請鑒核照會辦理見覆須至合時事采新彙選第四卷

七 丙午三月十七日刊

呈者

欽使夫人等親見詳誌 兩宮勅令外部照會各國駐京使署擬訂於上月二十八日親見各國使署夫人適值屆期天寒雪深展期於初三日駕升海晏殿親見各國使署之夫人並賜 御宴是日午前各國公使之夫人以及參贊隨員之夫人或乘肩輿或乘馬車入東華門過景山由三座門抵福華門再換肩輿有內務府及外務部之官員在此迎接各夫人等渡過北海小橋入小亭休歇少時整齊衣服自慶邸以及世那兩中堂瞿協侯聯唐兩侍郎等均在此迎接各國使署夫人等少歇之後由領銜欽使穆默男爵領帶換乘火車

抵海晏殿按照各國欽使來華年分排列次序侍立階前夫人等分爲二列譯員爲一列慶邸世那兩中堂羅協揆領銜欽使聯唐兩侍郎等侍立階下兩側嗣兩宮陞御座衆均恭揖卽由慶邸奉旨宣詔次由領銜穆欽使代表各夫人等奉答聖旨進賀年禧並祈兩宮聖壽無疆繼由各欽使夫人隨帶譯員按照次序各陞階向兩宮恭揖申賀年禧當日首先進賀者係駐京日使內田夫人此時由領銜欽使代爲介紹各夫人賀畢後皇太后下階對於欽使夫人等親賜懿旨然後兩宮入內而各夫人均赴客殿陪宴各使署領銜欽使譯員等退入別殿與慶邸世那兩中堂羅協揆等公宴下午二點半

時事彙選第四卷

八

丙午三月十七日刊

鐘宴畢自各欽使之夫人領銜穆欽使以及譯員等一律回署又聞是日李內監蓮英亦在座頗爲照料云

光緒三十一年三月十八日

工部鴻臚寺正監旗口無引

見榮公等由

口外賜奠回京請

安

達壽謝授缺

恩

順王請假五日

張德彝英助英秀預備

召見

召見軍機

張德彝

英助

英秀

諭旨恭錄

光緒丙午三月十八日

論蘇州惡姑虐養媳事

漢書有婦姑勃谿之說是婦姑之不易治和自昔已然數千年來此風更甚非特不能和治也又從而虐待之華門主賓無論矣播紳之家亦有犯此者如前年宜興儲氏女爲任姓虐斃是窮鄉僻壤無論矣通衢之處亦有犯此者如近日蘇州白塔子巷汪姓婦慘斃養媳是蘇州之案本館証之訪函稽之輿論已三紀其事於報端其致斃之法雖言人人殊而要之慘酷情形均有出人意料者僕嘗謂世間至慘之事莫甚於惡姑之虐妓顧揭之與妓本無情義之可言亦無名分之相屬且其始以買贖員倚爲錢樹無非欲其廣積纒頭苟其冷落生涯因忿怒而生虐待難時事采新彙選第四卷 丙午三月十八日刊

屬可惡猶有說也若媳爲子婦亦在倫常之中倘非忤逆性成何事不可曲恕乃惡觀姑之與媳往往有不能融治之勢或因瑣事而苛求或因微嫌而積忿爲子而略明大義惟有制抑其妻以冀調停無事苟或非也則勃谿之事起而家庭之變亟矣然此猶言姑媳之言通情形也若夫童養媳婦自幼相依情似易洽顧世之待養媳者往往任意凌虐且又至慘極酷一若與有深仇如蘇州汪姓婦者比比皆是當其虐待之時母族大半無人鄰右亦不相過問故含冤地下者多而按律而懲辦者少耳即汪氏婦之案宜乎人人痛恨乃有王三者竟爲之設法庇護倘非各報紙大書特書彼地方官亦安知死者冤而爲之伸理況

現在案雖發覺而惡姑則仍遠颺將來能否拘案究懲亦尙難以逆料且即難逃法網而辦者自辦犯者自犯懲一者果足儆百乎或曰婦姑之不和皆由婦女不明事理之所致婦人之性偏狹而執滯一烹飪之微一箕帚之細稍或不洽已意則齟齬即由此而牛苟使女學漸昌則事理既明必不致再有慘虐無理之事不知論雖甚正然欲得實效亦必在數十年以後且鄉愚無知教化亦難於普及故探本窮源之說未必果有裨益也或曰娶媳必已成入即撫養媳者至幼亦在十齡左右情性既異習尙亦殊宜乎不能相洽若探愈曲園先生之說強裸中即撫之爲媳或能視如己出不致再開虐待之端然立論雖具苦心而時事采新彙選第四卷 丙午三月十八日刊

遽欲風俗之轉移行之實非易易故補弊救偏之策亦未必果能施行也然則欲求治標之法宜將兇惡昭著如汪氏婦者務必拘案嚴懲蓋既係養媳大抵母屬未必有人苟非官爲伸雪沉寃何能得伸而從中庇護之王三其人亦須治以應得之罪至欲各處漸除其弊宜責成地甲居民以及本地公正紳士如耳目所及有此類情事立即報明地方官訊明被虐情形拘提嚴責女則另行擇配俾免重罹荼毒倘有匿不報者案發後亦須究懲良由人命至重不勝膜視果能辦理得宜亦地方自治之一端而風俗不難逐漸改良矣

鄂督奏陳收回粵漢鐵路辦理情形摺 錄中外日報

奏為遵旨將粵漢鐵路收回自辦謹將美國合興公司售讓合同暨接收各件繕具清單呈 御覽並瀝陳辦理情形恭摺仰祈 聖鑒事竊臣於上年二月間訪聞承辦粵漢鐵路之美國合興公司並未知會中國私將公司底股三分之一售與比國公司董事亦大半易置比人查比與法通法又與俄合京漢鐵路已由比法兩國合辦若粵漢鐵路再入其手則中國南北幹路地權全歸比法等國掌握之中與俄人所造東三省鐵路鉤連一氣既扼我之吭背復貫我之心腹而借款本息太鉅年期過久限滿後斷無贖回之望其為中國大患殆有不忍言者臣探詢既確焦灼萬分立即電致湘省官紳並電致督辦鐵路總公時事采新彙選第四卷

三 丙午三月十八日刊

司大臣盛宣懷痛言利害竭力爭持以合興無端違背合同亟應據理責言廢棄前約自臣創此議後湘鄂粵三省紳民漸次傳播始知有粵漢路約不善之說議論推激羣思補救無如合興公司既異常狡執美國富商復遣合興之黨柏士來華運動自稱係華豐公司願借給中國鉅資助我與合興廢約而另訂合同將此路歸其承辦其實華豐無異合興然而術詭言甘於是被其煽惑者忽倡以美接美之說衆議紛紜大為所動臣以合興公司違約失信覆轍在前若仍聽以美接美是直以移花接木之計愚弄中國一切權利仍落他人之手中國絲毫不能收回與所以籌議廢約之故自相矛盾遂電滬力阻其議柏士因親

至京師介其公使向外務部要求外務部函令鄂就臣商辦其駐漢美領事復多方為之游說臣面告以此約必廢無可商議柏士到滬後復三次來函攪辦路款均經臣嚴詞駁拒堅不允行由是袒美者咸喑然失望而怨謗紛來阻撓百出籌議廢約之事益形棘手矣迨上年十一月初三日臣准軍機大臣字寄光緒三十年十月二十一日奉 上諭御史黃昌年請挽回路政一摺粵漢鐵路關緊要現在合興公司正議廢約應即另籌自辦着張之洞悉心核議妥籌辦理以挽利權臣初意以盛宣懷為與合興公司訂約原議之人繫鈴解鈴鈴貴賞一手故開誠布公往復電商深冀其相助為理不意籌商累月盛宣懷屢因時事采新彙選第四卷

四

丙午三月十八日刊

宿疾纏綿困臥不能辦事正當吃緊之際臣去電兼旬旬不得復偶有病間答復而精神未能貫注終不得此事要領此時盛宣懷病勢甚劇屢瀕危殆無怪其然而湘中官紳之派赴上海者一則主張訂借美款幾為柏士所愚一則徑自聘用律師直令赴美與合興涉訟均經臣飛電力阻追回其事乃已羣議紛歧輕舉妄動誤大局此其為難者一也臣以事機危迫稍縱即逝不得已始徑電出使美國大臣梁誠密商辦法該大臣復稱中國廢約之說喧騰報紙美公司已預為之地由彼富商摩挲將比國股票重價收回一千二百分以為事權仍在美國之手即與合同不肯不能再言廢約美政府極力袒護屢飭其駐京使

臣柔克義向外務部干涉言美政府斷不允廢此約合
與總辦惠惕爾因出使大臣梁誠持正力爭辯詰甚緊遂
擬撤開梁誠自行來滬設法把持此事經臣聞知切電上
海總公司轉告惠惕爾彼即來華無論改何辦法臣斷不
承認囑其飛電阻回此其為難者二也臣往復與美使臣
梁誠電商直言廢約或致有礙國家交涉改為贖約則僅
商務往來事出和平彼政府自無從干涉該大臣因就此
意與合興公司反覆磋商彼延前美國兵部大臣路提前
美國檢察司吳格瀾為主謀梁誠乃延聘前美國外部大
臣福士達鐵路專門律師良信等與之抗議路提以美國
國體東方商務種種關係為詞詰意堅決福士達等再三
時事采新彙選第四卷 五 丙午三月十八日刊

辯詰始認原定合同之疎漏合與辦事之含混允聽中國
政府修改合同收回權柄由美國政府担保永不轉替而
贖約則堅不允許經出使大臣梁誠痛切開導力陳三省
之輿情 中朝之意旨微臣之定見大局之利害乃路提
等甫允開議售讓辦法而合興索價浮冒初開七百萬金
元繼又索公司酬勞二拾五萬金元借票餘利四十餘萬
金元利息在外經與駁減彼即以股東未曾議定經月遷
延不允遷決比主復遣其親信至紐約極力阻止事幾中
變此其為難者三也適復議定贖路全價六百七十五萬
金元另給利息甫將草約彼此簽字而比政府竟電美外
部強行干涉比主復面晤摩根唆使悔讓並介美總統之

友美國上議紳比洛遲轉告美總力翻此案美總統適
接其駐華使臣柔克義電誤會我政府授權經理之人遂
欲挑別廢約兩字借端以廢草約危機頓迫幾幾功敗垂
成臣於七月十三日電奏內已詳晰陳明此其為難者四
也幸荷 聖明昭鑒俯準施行外務部亦悉力主持一再
照會美使聲明臣與梁誠定有辦理此事之權美總統尚
知慎重邦交轉囑允許其事乃定而湘鄂粵三省紳民驟
欲籌此六七百萬金元約合華銀千餘萬兩斷斷無此力
量假使款不應手非但立誤事機抑且貽羞中外此其為
難者五也臣自奉 旨籌議粵漢路事即屢次分電湘粵
官紳公議切是籌款之法嗣准兩廣督臣岑春煊十二月
時事采新彙選第四卷 六 丙午三月十八日刊

十一日來電云此事必須備有贖路的款方能爭論而粵
紳渙散倡議者無錢有錢者不皆紳力斷不足恃官力則
艱窘已極更無担任如此大宗之力且果使廢約立須鉅
款應付即有別項籌款之策亦緩不濟急愚以為宜由鄂
湘粵合借洋款若干萬分年勻攤認還此款借成廢約即
以贖路不廢立時付還虛糜利息亦尚有限等語而湘紳
商電亦無立籌鉅款之策臣體察湘鄂粵三省情形既屬
相同不得已始定借款之議一面電商湖南撫臣轉詢湘
省各紳湖南撫臣復電云與諸紳熟商均應遵辦偏加詢
訪惟英領事所開利息較輕借款交付是磅不須折扣惟
於粵省別有要素利益之事臣疏辭推謝致借款之議久

懸不定追本年八月初二日猝然接到出使美國大臣梁誠電合與股東已將草約批准第一期款美金二百九萬八百六元零應於西九月七號即八月初九日在紐約交兌計期已近務請合三省全力迅即籌足於西九月七號以前電匯到美免致變局等語臣電致梁誠懇其展期十日以便趕籌覆電云第一期款商緩十日福士達謂前遵尊電將贖備齊悔約索償各節警告摩根正約六號發押與否視此期交款爲從違若再生變萬無挽回務祈如期電匯等語蓋合與之意料知中國貧窘斷不能於旬日間猝籌數百萬巨款故其總股東於草約定後已將三個月多方推宕延不批准此事成否未定以致籌不能籌借不時事采新彙選第四卷

七 丙午三月十八日刊

敢借直至屆期前七日始電告中國批准立案交款若款不能集則此約全翻轉將譏我無款自誤此謀至狡至毒蔑以加矣其時英領事先期赴廬山避暑臣逆料急而相求要求必甚且議訂合同亦須兼旬以外而應付合與之款若愆期一日全局俱翻當此之時既不能乞緩於外洋復不能求助於他省以關係中國南疆全局之大舉特旨飭辦之要政議論兩年全球皆知若徒以無款之故竟致不能收回自棄草約不惟利權永棄而且將令各國譏笑中國辦事者皆空言無寔之人以後一切邦交種種窒礙此七日之中臣憂煎萬狀繞室徬徨此事結局如何竟不敢預料此其爲難者六也幸湖北官錢局信義素著尙

爲各國銀行所信臣召集司道剴切籌商均以大局利害所關同心担任立即一面飭官錢局設法担保先向匯豐銀行息借銀三百萬兩官錢局湊集銀二十餘萬兩竟如期電匯已到美國是非臣意料所及當即將贖路正合同電由軍機大臣代奏請旨畫押欽奉俞允臣一面電招英領事回漢商訂借約英領事見臣處第一期付款已能暫行自借應付而贖路事關繫大局亦願助成盛舉於是前所要求者不再提及合同條款悉照光緒二十六年八月湖北因保護長江籌備餉需向匯豐銀行息借五十萬兩成案辦理業經將合同咨明外務部在案此項借款於鐵路權利固絲毫未嘗有所假借也借款既定應付合

八 丙午三月十八日刊

時事采新彙選第四卷
興第二期款遂於中歷九月十二日全數交清合與卽於是日分電滬粵兩處公司洋人將在滬存儲之圖表冊籍在粵已修之鐵路及機車房棧一切備用材料悉數點交中國委員接收經臣派員分別接收清楚查此次合與所訂售路合同載明中國政府可將合與公司在中國所有產業已成鐵路材料測量圖表開鑛特權以及在中國所有權利無論明指暗包一概全行收管等語玩開鑛特權及明指暗包之言可知從前所失權利之大寔無窮盡今幸得全數贖回從此永斷葛藤消弭巨患此皆仰賴朝廷威德及樞部諸臣同心匡助三省紳民協力圖維出使大臣梁誠才識兼優忠寔爲國規畫辯論妙協機宜故此